

十八

第四一册

博物彙編

藝術典

醫部

1110—1121
(卷)

後陰門下、皮門全、肉門全、心肺門全、日月門全、風門上、

善仲

古今圖書集成

中華書局影印



欽定古今圖書集成博物彙編藝術典

第二百三十卷目錄

醫部彙考二百十

後陰門四

單方

鍼灸

導引

醫案

藝術典第二百三十卷

醫部彙考二百十

後陰門四

單方

大腸脫肛烏龍尾同鼠屎燒烟於桶內坐上熏之數

次即不脫烏龍尾即梁上塵也外臺

風熱脫肛鐵粉研同白蠟末傳上按入方直指

虛冷脫肛石灰炒熱故帛裏坐冷即易之方聖惠

大腸脫肛磁石半兩火煨酢滓七次為末每空心米

飲服一錢方直指

又方用磁石末麪糊調塗額上入後洗去方簡便

大腸脫肛苦參五倍子陳壁土等分煎湯洗之以木

賊末傳之方醫方

痔痢脫肛冷水調黃連末塗之良方經驗方

大腸脫肛蛇牀子甘草各一兩為末每服一錢白湯

下日三服并以蛇牀末傳之

老小脫肛香附子荊芥穗等分為末每服一匙水一

大碗煎十數沸淋洗之方三因

下血脫肛白雞冠花防風等分為末糊丸梧子大空

心米飲每服七十九

又方白雞冠花炒櫻櫚灰羌活一兩為末每服二錢

米飲下方永類

肛門腫痛生芋根搗爛坐之良方集簡

脫肛不收芋根搗爛煎湯熏洗之方聖惠

大腸脫肛木賊燒存性為末摻之按入即止一方加

龍骨方三因

脫肛不收莢若子炒研傳之方聖惠

大腸脫肛曼陀羅子連殼一對橡子十六箇同剉

水煎三五沸入砂硝少許洗之

大腸脫肛生苦薤搗汁溫服之以猪肉汁洗手按之

令暖自入方肝後

久痢脫肛女萎切一升燒熏之方楊氏產

大腸脫肛木饅頭連皮子切炒荻荅猪荅等分為末

每服二錢米飲下亦治夢遺名鎖陽丹方普濟

脫肛不收蒲黃和猪脂傳日三五度方藏錄

大腸脫肛用紫浮萍為末乾貼之方危氏得

脫肛不收生韭一斤切以酥拌炒熟綿裹作二包更

互熨之以入為度方聖惠

大腸脫肛生萊菔搗實臍中束覺有痛即除方簡元

諸瘡痔漏久不結痂用生薑連皮切大片塗白礬末

炙焦研細貼之勿動良方普濟

痔漏脫肛胡荽子一升粟糠一升乳香少許以小口

瓶燒烟熏之方備門

凡大人小兒脫肛每天冷及吃冷食即暴痢不止肛

則下脫久療不瘥者春間收紫堇花二斤曝乾為散

加磁末末七兩相和研細塗肛上納入即使人嚥冷

水於面上即吸入腸中每日一塗藥裏面不過六七

度即瘥又以熱酒半升和散一方寸匕空腹服之日

再漸加至二方寸匕以瘥為度若五歲以下小兒即

以半杏子許和酒服之忌生冷陳倉米方天寶

穀道生瘡若葉搗爛棉裏納之下部日三次方聖惠

脫肛瀉血不止用桑黃一兩熟附子一兩為末方聖惠

九梧子大每米飲下二十九方聖惠

大腸脫肛久積虛冷以鼈頭炙研米飲服方寸匕日

二服仍以末油調塗腸頭上托入方千金

大腸脫肛蛻螻蟻燒存性為末入冰片研勻摻肛上托

之即入方集成

痔漏脫肛每日空心嚼川椒一錢凉水送下二三

次即收方救急

大腸脫肛脫下三五寸者用大田螺二三枚將井水

養三四日去泥用雞爪黃連研細末入臘內待化成

水以濃茶洗淨肛門將雞翎蘸搽之以軟帛托上自

然不再復發也方德生堂

腸頭挺出蟾蜍皮一片瓶內燒烟熏之并傳之方千金

陽證脫肛以荊芥生薑煎湯洗之用地龍蟾如錢樣

者去土一兩砂硝三錢為末油調傳之心方全効

大腸脫肛狗涎抹之自上也方扶壽

大腸脫肛蝸牛殼去土研末羊脂鎔化調塗送入即

愈方李延

大腸脫肛炙麻鞋底頻按入仍以故麻鞋底鼈頭各

一枚燒研傳之按入即不出也方千金

脫肛不收貼水荷葉焙研酒服二錢仍以荷葉盛末

坐之良方

大腸脫肛蠅皮一斤燒磁石煨五錢桂心五錢爲末每服二錢米飲下葉氏補

脫肛痔疾五倍子半斤燒烟熏之或水煮極爛盛坐桶上熏之待溫以手輕托上內服參芪升麻藥簡便方又方用五倍子百草霜等分爲末酢熬成膏鵝翎掃傳上即入普濟方

瀉血脫肛石耳五兩炒白枯礬一兩密陀僧半兩爲末蒸餅丸梧子大每米飲下二十九

下痢脫肛橡斗子燒存性研末猪脂和傳直指方

又方橡斗殼燒存性研末猪脂和搽并煎汁洗之

大腸脫肛不蛀皂角五挺搥碎水浸取汁二升浸之自收上收後以湯盪其腰肚上下令皂角氣行則不再作仍以皂角去皮酥炙爲末棗肉和丸米飲下三十九聖惠方

大腸脫肛黃皮桑樹葉三升水煎帶溫罨貯之直指方坐板瘡疥絲瓜皮焙乾爲末燒酒調搽之衛生集方脫肛不收五花構葉陰乾爲末每服二錢米飲調下

兼塗腸頭聖惠方

大腸久積虛冷每因大便脫肛用蝸牛一兩燒灰猪脂和傳立縮

又方治上證及痢後脫肛用乾蝸牛一百枚炒研每用一錢以飛過赤汁磁石末五錢水一盞煎半盞調服日三

泄痢脫肛已久者黑聖散主之大蜘蛛一箇乾菜兩重包紮定燒存性入黃丹少許爲末先以白礬葱椒煎湯洗拭乾以前藥末置軟帛上托入收之甚是有

效也藥開方

鷹嘴爪炙入麝香煎酥爲末酒一盞服之治痔漏有驗王右軍方

肛門腫痛欲作痔瘡急取屠刀磨水服之甚效集簡方腎生濕瘡日以新磚坐之能去濕氣集元方

痔瘡腫痛鉛白霜白片腦各半字酒調塗之隨手見效百問方

外痔腫痛黃丹滑石等分爲末新汲水調日五上之漏瘡不合童尿製爐甘石牡蠣粉外塞之內服滋補藥雜病方

痔漏腫痛無名異炭火煨紅米酢淬七次爲細末以溫水洗瘡綿裹筋頭填末入瘡口數次愈簡便方

痔瘡有蟲并漏古礪石灰川烏炮等分爲末燒飯丸梧子大每服二三十九食前酒或米飲下活法要方

痔瘡熱腫用鴨嘴青膽礬煨研蜜水調傳可以消脫直指方

一切漏瘡有孔用信石新瓦火煨研末以津調少許於紙燃上插入蝕去惡管漏多勿齊上最妙救急方

一切漏瘡故布裏鹽燒赤爲末每服一錢外臺方痔瘡漏瘡白礬青鹽各四兩爲末猪尿脬一箇盛之陰乾每服五錢空心溫水下經驗方

冷瘡成漏明礬半生半熟熟者生肉生者追膿五靈脂水飛各五分爲末以皮紙裁條啞和末作小捻子香油捏濕於末上拖過剪作大小捻安入漏內早安午換候膿出盡後有些少血出方得乾水住藥自然生肉痊好

外痔腫痛白頭翁草一名野丈人以根搗塗之逐血

止痛衛生方

雞冠痔疾黃連末傳之加赤小豆末九良斗門方痔病祕結用此寬腸黃連連枳殼等分爲末米糊丸梧子大每服五十九空心米飲下醫大成方

脫肛取東壁土湯泡先熏後洗亦治小兒脫肛痔瘡瘰癧不可忍胡黃連末鵝膽汁調搽之集簡方

下部漏瘡苦參煎湯日日洗之直指方痔瘡腫痛不可忍蛇牀子煎湯熏洗簡便方

痔漏出血香白芷爲末每服二錢米飲下并煎湯熏洗神效直指方

痔瘡腫痛先以皂角烟熏之後以鵝膽汁調白芷末塗之即消醫方要略方

痔瘡腫痛鬱金末水調塗之即消醫方要略方痔漏腫痛荆芥煮湯日日洗之簡易方

野雞痔病先以槐柳湯洗過以艾灸上七壯取效經驗方

酒痔便血青蒿用葉不用莖用莖不用葉爲末糞前冷水糞後酒水調服永類方

痔疾下血益母草葉搗汁飲之食醫心鏡方五痔肛腫久不愈變成漏瘡用雞冠花鳳眼草各一兩水二碗煎湯頻洗衛生方

腸痔下血多年不止用木賊枳殼各二兩乾薑一兩大黃二錢半並於銚內炒黑存性爲末每粟米飲服二錢甚效也圖經本草方

痔漏瘡發早蓮草一把連根鬚洗淨用石臼搗如泥以極熱酒一盞冲入取汁飲之查傳患處重者不過三服即安累治有效保壽堂方



痔瘡腫痛連翹煎湯熏洗後以刀上飛過綠礬入麝香貼之方集驗

痔發腫痛扁竹搗汁服一升一二服未瘥再服亦取汁和麪作餅食日三次藥性論

內痔不出草烏爲末津調點肛門內痔即翻出乃用枯痔藥點之方集驗

下部腫痛瘰癧瘰癧旁生孔竅蟻七枚五月五日收者新牛糞半兩肥羊血一兩炒黃同搗成膏丸蓮子大炙熱綿裹納肛中半日即大便中蟲出三四度永瘥

穀道赤痛或痔如蟲咬菟絲子炒黃黑爲末雞子白和塗之方後

肛門痔痛用木鼈仁三枚砂盆搗如泥入百沸湯一椀乘熱先熏後洗日用三次仍塗少許方驗

又方用木鼈仁帶潤者雄雞各五箇乳細作七九梳覆濕處勿令乾每以一九唾化開貼痔上其痛即止

一夜一九自消也屢用有效方集驗

痔瘻腫痛以馬兜鈴於瓶中燒烟熏病中良本草

五痔下血槿藤子燒存性米飲服二錢有功方集驗

痔漏有蟲黑白牽牛各一兩炒爲末以猪肉四兩切碎炒熟蘸末食盡以白米飲三匙壓之取下白蟲爲效

又方白牽牛頭末四兩沒藥一錢爲細末欲服藥時先日勿夜飲次早空心將猪肉四兩炙切片蘸末細嚼食取下膿血爲效量人加減用忌酒色油膩三日

漏瘡水溢乃腎虛也牽牛末二錢半入切開猪腎中

竹葉包定煨熟空心食溫酒送下借腎入腎一縱一橫兩得其便惡水既泄不復淋瀝

一切漏疾王瓜根搗傳之燥則易方千金

腸風痔漏用草薢貫衆去土等分爲末每服三錢溫酒空心服之方驗

痔瘡腫痛威靈仙三兩水一斗煎湯先熏後洗冷再溫之方集驗

瘡久成漏忍冬草浸酒日日常飲之方集驗

瘡血內漏蒲黃末二兩每服方寸匕水調下服盡止方後

腸痔出血蒲黃末方寸匕水服之日三服

痔瘡腫痛虎耳草陰乾燒烟桶中熏之

痔瘡腫痛鵝不食草搗貼之

痔瘡出血雀林草一大握水二升煮一升服日三次見效方集驗

痔瘡風腫作痛胡麻子煎湯洗之即消

一切漏瘡鹽麪和團燒研傳之方千金

下血成痔稻葉燒灰淋汁熱洗三五度瘥方集驗

五痔作痛胡荽子炒爲末每服二錢空心溫酒下數服見效或水煮取汁冷服半升日二方集驗

肛門腫痛馬齒莧菜三葉酸草等分煎湯熏洗日二次有效方集驗

痔瘡初起馬齒莧不拘鮮乾煮熱急食之以湯熏洗一月內外其孔閉即愈矣方集驗

痔瘡腫痛魚膽草一握煎湯熏洗仍以草挹痔即愈

又方魚膽草煎湯熏洗後以枯礬入片腦少許傳之痔瘡腫痛苦蘆盧苦蘆菜煎湯先熏後洗乃貼熊膽密陀僧膽礬片腦末良方集驗

肛門酒痔絲瓜燒存性研末酒服二錢方集驗

痔漏脫肛絲瓜燒灰多年石灰雄黃各五錢爲末以猪膽雞子清及香油和調貼之收上乃止方集驗

五痔下血桑耳作羹空心煎食三日一作待孔卒痛如鳥啄狀取大小豆各一升合搗作兩囊蒸之及熱更互坐之即瘥方集驗

腸痔下血用槐樹上木耳爲末飲服方寸匕日三服

五痔下血杏仁去皮尖及雙仁者水三升研濾汁煎減半同米煮粥食之方集驗

腸痔出血桃葉一斛杵納小口器中坐蒸之有蟲自出方集驗

五痔作痛桃根水煎汁浸洗之當有蟲出

又方用桃皮并葉杵爛水漬令濃去查盛盆中漬之蟲自出方集驗

痔瘡腫痛隔年曬乾橙子桶內燒烟熏之神效醫方摘要
痔瘡腫痛把葉蜜炙烏梅肉焙為末先以烏梅湯洗貼之集要

痔瘡出血橡子粉糯米各一升炒黃滾水調作果子取出蒸熟食之不過四五次效李機方

腸風血痔熱多者尤佳柵葉微炙研末一錢米飲調服未止再服衍義

蟻蝨漏疾柵葉燒存性研以米泔別浸柵葉取汁洗瘡後乃納灰少許於瘡中聖惠方

蟲痔裏急橫痃為末每日空心以白湯調服二錢漏瘡惡穢大腹皮煎湯洗之直指

痔漏脫肛每日空心嚼川椒一錢涼水送下三五次即收救急方

痔漏腫痛椒目一撮碾細空心水服三錢如神海上方

腸痔下血下部痒痛如蟲咬者掘地作坑燒赤以酒沃之搗吳茱萸二升入坑乘熱坐有孔板熏之冷乃下不過三四度愈附後方

久近痔漏三十年者三服除根用蓮花蕊黑牽牛頭末各一兩半當歸五錢為末每空心酒服二錢忌熱物五日見效集效方

漏瘡膿血白乳香二錢牡蠣粉一錢為末雪糕丸麻子大每薑湯服三十九直指方

血痔腸風血竭未傳之內外痔瘡片腦一二分薑汁化搽之簡便方

大腸脫肛緣桑蟲燒研和猪脂塗之立縮范正方

痔漏腸風臟毒下血者用百藥煎燒存性烏梅連核燒過白芷不見火為末米糊丸如梧子大每服七十

丸米飲下濟生方

又方葶藶子生用甘草炙為末每服二錢水煎服之普濟方

痔瘡腫痛薤白根煎湯先熏後洗直指方

內外痔瘡用槐角子一斗搗汁曬稠取地膽為末同前九梧子大每米飲服十九兼作槐子湯下或以苦參末代地膽亦可秘要方

外痔長寸用槐花煎湯頻洗併服之數日自縮集簡方

腸風痔疾用槐葉一斤蒸熟曬乾研末煎飲代茶久服明目金匱方

痔瘡有蟲作痒或如膿血多取槐白皮濃煮汁先熏後洗良久欲大便當有蟲出不過三度即愈仍以皮為末綿裹納下部中梅師方

漏瘡腫痛柳根紅鬚煎水日洗

一方用楊柳條罐內燒烟熏之出水即效

痔瘡腫痛楮葉半斤搗爛敷之集簡方

痔瘡腫痛楮殼煨熟熨之七枚立定必效方

又方枳殼末入瓶中水煎百沸先熏後洗本事方

痔漏水用蛻螂一枚陰乾入冰片少許為細末紙捲蘸末入孔內漸漸生肉藥自退出即愈唐氏方

又方用蛻螂焙乾研末先以礬湯洗過貼之補珍方

痔瘡腫痛紫荊皮五錢新水食前調服直指方

一切漏瘡不拘蜂蟻鼠瘻蛻螂燒末酢和傳千金方

痔瘡用二十年鉞線袋取袋口燒灰水服藏器方

年久痔漏田龜二三箇煮取肉入茴香葱醬常食累驗此疾大忌糟酢等熱物食便方

痔漏脫肛虎脛骨兩節以蜜二兩炙赤搗末蒸餅丸梧子大每侵晨溫酒下二十九取效勝金方

肛門凸出虎骨燒末水服方寸匕日三服治積年漏下外臺方

鵲重巢柴燒研飲服方寸匕一日三服治積年漏下不斷困篤者一月取效

十年痔瘡熊膽塗之神效一切方不及也外臺方

腸風痔瘡熊膽半兩入片腦少許研和猪膽汁塗之普濟方

坐板瘡疥生之麻細嚼敷之雜興方

漏瘡不合以紙粘臘猪脂納瘡中日五夜三千金方

臟毒下血新槐花炒研酒服三錢日三服或用槐白皮煎湯服普濟方

痔漏疼痛用田螺一箇入片腦一分在內取水搽之仍先以冬瓜湯洗淨乾神方

臟毒下血苦楝子炒黃為末蜜丸梧子大米飲每吞十九至二十九經方

又方馬齒莧湯洗淨搗活螺螄敷上其病即愈補珍方

痔漏神方赤白茯苓去皮沒藥各二兩破故紙四兩石白搗成一塊春秋酒浸三日夏二日冬五日取出木籠蒸熟曬乾為末酒糊丸梧子大每酒服二十九華陽集方

漸加至五十九

腸風痔瘡下血年深日近者如聖散用臘月野狸一枚蟠在罐內炒大棗半斤甘草四兩猪牙皂莢二兩同入罐內蓋定瓦上穿一孔鹽泥固濟煅令乾作一地坑以十字瓦支住罐子用炭五秤煅至黑烟盡青烟出取出濕土罽一宿為末每服二錢鹽湯下又方以狸肉作羹其骨燒灰酒服楊氏家藏方



痔瘡疼痛用赤足蜈蚣焙為末入片腦少許唾調傳之直指

又方用蜈蚣三四條香油煮一二沸浸之再入五倍子末二三錢瓶收密封如遇痛不可忍點上油即時痛止大效集效

痔瘡初起痛痒不止用蘆花烘熱熨之冷又易集元

痔漏疼痛鯉魚鱗二三片綿裹如棗形納入坐之其痛即止事觀

腸風血痔用活鯽魚翅側穿孔去腸留鱗入白礬末二錢以棧包紙裹煨存性研末每服二錢米飲下每日二服直指

腸痔下血鱧魚作鱠以蒜薑食之忌冷毒物外聖

內痔出血鱧魚食即止其性涼也食廉

風痔腫痛發歇不定者是也白蠟蠶二兩洗剉炒黃為末烏梅肉和九梧桐子大每薑蜜湯空心下五九妙方

痔漏下血蠶紙半張碗內燒灰酒服自除急案

肛門鼠痔蜘蛛絲纏之即落

諸痔發痒用全蠍不拘多少燒烟熏之即效秘法也方珍

痔瘡腫毒麝香當門子印城鹽等分塗之不過三次外聖

大腸痔疾蟾蜍一箇以磚砌四方安於內泥住火煨存性為末以猪廣腸一截紮定兩頭煮熟切碎蘸蠟末食之如此三四次其痔自落

血痔漏瘡鴛鴦一隻治如常法炙熟細切以五味酢食之作羹亦妙心鏡

痢類脫肛黑色堅硬用巴豆殼燒灰芭蕉自然汁煮入砂少許洗軟用真麻油點火滴於上以枯礬龍骨少許為末搽肛頭上以芭蕉葉托入危氏得

諸痔疼痛青蛙丸用青色蛙長脚者一箇燒存性為末雪糕和丸如梧子大每空心先吃飯二匙次以枳殼湯下十五九直指

蟲蝕腎腑肛盡腸穿用青蛙一枚雞骨一分燒灰吹入數用大效外聖

痔漏有蟲用狗肉煮汁空腹服能引蟲也針方

又方用熟犬肉蘸鹽汁空心食七日效得效

痔瘡下蟲不止者用甌月砂慢火炒黃為末每服二錢入乳香五分空心溫酒下日三服集驗

痔瘡腫痛用蝸牛浸油塗之或燒研傳之丹

腸風痔疾用鼈皮及骨燒灰米飲空心服二錢甚者入紅雞冠花白礬為末和之銀方

腸痔有血獺肝燒末水服一錢附後

脫肛不收苦根石榴皮各一握酒一盞煎七分溫服聖惠

花上粉主治諸蟲瘻惡瘡痔疾納之藥

腸痔氣痔出膿血用穿山甲燒存性一兩肉豆蔻三枚為末每米飲服二錢甚者加蟬皮灰一兩中病即止義衍

鼠痔成瘡瘻痛用穿山甲尾尖處一兩炙存性鼈甲酥炙一兩麝香五分為末每服一錢真茶湯服取效直指

一切冷漏白死蛇取骨為末封之大痛以杏仁膏摩之即止千金

大腸氣痔作痛下血百藥煎末每服三錢稀粥調服日二次集簡

五痔下血蟬皮三指大雄黃如棗大熟艾一錢穿地作坑調和取便熏之口中有烟氣為佳火氣盡即停三日將息更熏之三度未瘳勿犯風冷藥膳將養切忌雞魚猪生冷二十日後補之外聖

腸痔有蟲蟬皮燒末生油和塗附後

痔瘡成漏膿水不止用羊羔兒膏鹽泥固濟煨過研末五錢入麝香雄黃末各一錢填瘡口三日外必合高總

下部漏痔大露蜂房燒存性研搽之乾則以真菜子油調唐氏經

五痔及腸風脫肛五倍子白礬各五錢為末順流水丸如梧子大米飲下七九日劑

漏血不止水蛭炒為末酒服一錢日二服惡血消即愈千金

穀道生瘡久不愈用雞脛脰燒存性為末乾貼之如神錄

肛門生瘡蓋肛門主肺肺熱即肛塞腫縮生瘡白蜜一升猪膽汁一枚相和微火煎令可丸九三寸長作挺塗油納下部臥令後重須臾通洩梅師

痔瘻由水用牛膽蠟膽各一枚膩粉五十文麝香二十文以三味和勻入牛膽中懸四十九日取出為丸如大麥大以紙撚送入瘡內有惡物流出為驗方

鼠乳痔疾牛角鯁燒灰酒服方寸匕案上



脫肛五倍子末三錢白礬一塊同煎湯先熏後洗又取末搽肛托入

諸痔腫痛蠶繭內入男子指甲令滿外用童子頂髮纏裹燒存性研末蜜調傳之仍日日吞牛膽製過槐子甚效

善表積
善堂方

九漏有蟲乾人尿乾牛尿隔綿貼之蟲聞其氣即出若痒則易之蟲盡乃止

千金方

蟲食肛爛見五臟者即死以猪脂和馬蹄灰綿裹導入下部日數度瘡

附後方

內外痔瘡片腦一二分葱汁化搽之

簡便方

一切漏疾白馬通汁每服一升良

千金方

治血痔用地榆皮為細末每服二錢食前米飲調下

良方

痔漏脫肛生鐵一斤水一斗煮取五升日再洗

集驗方

治痔以白芷煮白芋作線快手緊繫痔上微疼不妨其痔自然乾癢而落

得效方

臟毒下血車前草連根一握生薑一小塊新水研碎取汁候血欲下時腰間必覺重便服一盞血即止甚

升漢心法

者不過再服

痔漏蝨蝨肛門熟艾一團雄黃少許同燒灰以竹筒

納下部引烟熏之良本

血痔取雞冠花不拘多少濃煎湯空心服一盞

目調

腸風血痔及脫肛木賊槐花及桑耳水煎脫肛為末

得效方

五痔及腸風臟毒槐花炒水煎服或同荆芥側柏葉為末米飲下二三錢名曰槐花散

升漢心法

五痔及腸風臟毒槐實剉為末米飲下一錢或密丸

服亦佳

本下同

槐木上耳治諸痔及腸風臟毒取耳為末米飲下一錢日三

五痔及腸風下血痔漏桑耳二兩粳米三合煮粥空心食之

門入

桑樹木上寄生治腸風痔漏如神取葉乾為末水酒米飲任下一錢或為丸服亦佳

升漢心法

馬蘭根治痔漏取根研細傅上片時看肉平去藥稍遲恐肉反出以爐甘石煨牡蠣粉末塞之

血痔腸風臟毒取樗根白皮人參等分為末空心米飲下二錢佳

腸痔及痔漏取有子蜂房焙乾為末麪糊和九梧子大空心酒下三十九

升漢春同

五痔漏瘡取鰻鱺魚治如食法煮熟入椒鹽醬調和食之

本

血痔腸風臟毒取樗根白皮切酒浸蜜炒為末棗肉和丸酒下三十九

升漢心法

酒痔下血取蘿蔔二十枚留葉寸許及根入罐內水煮極爛以薑鹽酢醃空心食之立止

升漢門入

肛門脫出取胡荽切一升燒熏之即入又酢煮熨之亦效

本

肛門熱腫取青葱葉刮取涎對停入蜜調勻先以藥水洗後敷痔上其冷如冰

升漢得效方

治瘻取冬瓜藤濃煎湯熏洗即愈

升漢心法

痔漏取啄木鳥燒為末納孔中不過二三度瘻

本下同

下一錢空心服

痔漏狸骨炙和麝香雄黃為丸服或為末酒下二錢十服見效

五痔瘡懸蹄甲不拘多少燒為末米飲下二錢名曰猪甲散

升漢心法

血痔腸風瀉血取野猪肉二斤切著五味炙熟空心食之作羹亦得又取外腎連皮燒作末米飲下

升漢心法

痔漏陰蝕爛瘡取鰻風燒為灰空心米飲下一錢又取油塗之妙

痔漏濕蠶猪膽一枚苦酒一合同煎三兩沸滿口飲之蟲立死出即愈或灌肛內亦下蟲及惡物

大腸熱腫木鼈子五倍子研末蜜水調敷

升漢心法下同

塞漏孔方如痔漏有竅用赤石脂白石脂枯白礬黃丹腦子同為末塞之或飯和擦條插入

痔漏祕方用煉蜜半盞入熊膽一分再煉入水成珠不散將猪鬃綿裏熬成捻子將蜜塗在捻子上仍用片腦熊膽各半分研細搽在捻子上插入漏眼內底至盡頭則止如眼多醫得一箇又醫一箇不可一齊

上藥如見外皮潰爛用黃蠟黃丹麻油煎膏貼瘡上縛緊一七日效

升漢古今醫鑑

取朽骨久疽及痔漏烏骨雞腰骨以上等雄黃實之鹽泥固濟火煨通紅取出地上出火毒去泥用骨研細飯丸如粟大以紙撚送入孔中瘻內更用膏藥貼之

痔漏用蠶魚腸以五味炙熟貼之良久蟲出即去之

三次盡出

本下同



痔瘡有蟲蛻蛻生搗爲丸塞肛門中引蟲出盡未差便毒用木髓子大黃苦薤桃仁草龍膽石咬咀濃煎露星月一宿侵早溫服立愈

又方白蠟蜜槐花爲末酒調服一方加酒大黃

痔漏反花瀉血者用狐手足一副陰乾穿山甲蟬皮

各三兩黃明膠白附子五靈脂蜀烏頭川芎菊乳香

各二兩剉細入砂鍋內固濟候乾炭火煨紅爲末入

木香末一兩以芫荽煎酒調下二錢日三服屢效

方錄

治濕腫方取生薑刮去皮斷理切之極熟研取汁一

升半又以水一升半合和先得平旦空腹服之仍割

生薑二枚如蘭大以楸葉苦桃葉數重裹訖於爐灰

中燒令極熱內下部中食頃若濕盛者三日一作類

服無有不瘥

治蟲蝕下部方胡粉雄黃二味各等分爲末著數道

中亦治小兒濕腫

治傷寒熱病多睡變成濕腫四肢煩疼不得食方羊

桃十斤切搗以熱暖湯三斗淹浸之日正午時入中

坐一炊久不過二度瘥

下部蟲腫病人齒無色唇上白喜睡憤憤不知痛痒

處或下痢乃下部生蟲食肛也桃仁十五枚苦酒二

升鹽一合煮六合服之

下部腫瘡桃白皮煮取濃汁如稀湯入熊膽少許以

綿蘸藥納入下部瘡上

臟毒下血烏犀散用淡豉十文大蒜二枚煨同搗丸

梧子大煎香葉湯服十二九日二服安乃止末絕根

本無所忌

治腸隨肛出轉廣不可入方生苦薤根爲粉以猪脂膏溫塗隨手抑按自得縮入

治積冷利脫肛方枳實一枚石上磨令滑澤鑽安柄

蜜塗炙令暖熨之冷更易取縮入止

痔漏脫肛栗核和諸藥熏之

痔漏欲作未作之時服之立消牙皂七片炭火煨黃

包去皮陰地上去火毒爲末酒下

痔漏祕方用牡蠣二兩煨過入地竈坑埋之去火氣

爲末瘡若濕乾摻若乾以津調搽痔上

痔漏鯽魚一箇去腸入白礬令滿合之於瓦上燒過

爲末以雞羽掃藥敷之立效

諸痔用蟬蛻五枚搗碎水銀一錢麝香冰片各五釐

用銀簪蘸汁滴患上

痔漏用團魚一枚扯出頭殺之取血即將團魚頭燒

灰爲末血爲丸如棗核大諒痔大小爲之入內

漏孔不合用石楠葉煎湯放在桶內熏洗待湯通手

就將漏洗淨後將黃牛面前牙齒四枚裝在小瓶內

用木屑燃之待白烟出爲度取出研末用津液蘸牙

未點入漏孔處出黃水爲效黃牛牙齒須預製備用

痔貼藥之後恐毒水未盡將槐米一兩炒黃色用水

一鍾煎至七分加酒半鍾溫服之痔永不發矣

治下部生蟲者桃皮煎如糖取內下部口中有瘡含

之千金

股陰瘰癧無名異二錢麝香一字研酒半盞午後空

腹服立效

治大孔蟲痒方蒸大棗搗膏以水銀捻和長三寸綿

裏內大孔中明日蟲皆出也然水銀損腸胃宜慎之

梅師方

痔漏用青荷葉燒灰爲末空心酒下三錢

又方用金銀藤并花爲末每日酒下三錢

五痔及腸痔下血蠶魚作胎和薑薑食之

作羹食之亦佳

五痔及血痔鯽魚作胎和薑酢芥醬食之又作羹飽

食良

熏痔方用大雄雞宰去血在湯鍋內焯去毛取出雞

將此焯毛垢湯燒之二沸傾在淨桶內蓋定俟少溫

將陽物放桶上坐緊熏之候湯溫洗痔淨拭乾隨將

蜈蚣一條碾末艾二錢和捻成條放馬桶內坐熏之

其痔焦熱尤妙新生者一兩次得愈久生者五次得

愈加蜈蚣并艾熏後隨服益氣清臟湯秦光蒼水湯

調治之

洗痔方馬蘭頭一斤皮硝四兩煎滾坐熏候湯溫洗

之

又方牛膝搗爛煎洗之

又方水紅花子打碎煎湯洗之

又方魚腥草煎湯洗之

又方白地菰煎湯洗之

下部生瘡已決洞者牡丹末湯服方寸匕日三

餘魚同米粉煮羹食調中收痔

治男女脫肛用五倍子荆芥小便濃煎洗之

治腸風并脫肛及有血用蛇牀子不拘多少炒爲末

貼大腸脫垂處立收甚妙

治諸般痔脫肛以死蛇一條如指大濕者用掘地坑

燒之將有孔板蓋坑上坐熏烟絕爲愈

大腸脫肛權皮或葉煎湯熏洗後以白礬五倍末傳之救急

賜頭出用皂角熏次用蜈蚣一箇入蜜浸去蜈蚣將蜜調土硃傳上即入

治穀道赤痛熬杏仁杵作膏傳之良愈

患五種痔水研山豆根服

治痔瘡用半新馬桶一箇入新磚一箇放桶底上再用新磚一箇燒紅於磚上上用全蠍兩三枚燒烟患人坐桶上熏之二三次即愈

穿腸痔漏極痛魚鰾搗如泥貼之其痛即止同卷

痔瘡便血用活鯽魚一箇八兩重者洗淨鱗尾腸肚皆不去用椶皮二兩洗淨寸截先將椶一兩鋪在瓦

罐內次安魚上面却將椶一兩蓋之罐口黃泥固濟火畔炙乾量罐大小開一地坑先安小磚一片後坐

罐子四面用炭火七斤燒煨候烟絕取罐於淨地以瓦盆合定淨土壅勿令透氣經一宿出火毒取藥細

研每服一錢食前用米飲調下忌動風之物

治痔瘡痛不可忍者木綿花煎湯旋入砂硝乘熱熏

之候溫浸之單用硝木極妙

又方用槐花艾葉荊芥枳殼水煎入白礬末打勻熏

洗

腸風痔漏有蟲如絲黑頭取去除根覆麥半升牙皂

角一寸共為末入猪腰子一雙內米泔煮空心食之

少頃肚痛上攻蟲皆隨出作地坑埋之薄粥補之

治五痔方蒼耳莖葉以五月五日採乾為末水服方

寸匕或九桐子大服之立效翼方

洗痔方輕者用朝東馬齒莧劉寄奴濃煎湯熏待溫

却用手洗拭乾重者加大青葉梗乾者一半同煎痔痒用灰莧菜根濃煎湯先熏後洗

又方取河水頻洗用蝸牛塗之

一方治痔用雄雞膽片腦和勻貼之

肛門邊腫硬痛痒用白礬三分碎研用熱童便二盞

化開洗痔上一日三次洗之

治痔痛不可忍以枸杞根杵爛煎湯熏洗痛立止今古

統醫

肉痔腫痛朝陽黃土黃連末皮硝各一兩用猪膽汁

同研如泥每日旋丸棗大納入肛門過一夜隨大便

去之內服烏梅黃連二味丸藥孫氏集效

痔瘡腫痛孩兒茶麝香為末唾津調傳

脫肛氣熱孩兒茶二分熊膽五分片腦一分為末人

乳搽肛門上熱汁自下而肛收也亦治痔瘡董炳

漏瘡腫痛猪膽七箇綿臙脂十箇清水和勻搽七次

即可救急

吐血痔血向東莖荷根一把搗汁三升服之附後

臟毒下血黃連為末獨頭蒜煨研和九梧子大每空

心陳米飲下四十九方

酒痔下血黃連酒浸炙熟為末酒糊丸梧子大每服

三四十九白湯下一方用自然薑汁焙炒醫學

臟毒赤白地錦草洗暴為末米飲服一錢立止經驗

地柏主臟毒下血與黃芪等分為末米飲每服二錢

蜀人甚神此方宋

鍼灸

靈樞曰熱病頭痛顙顙目瘳脈痛善衄厥熱病也取之以第三鍼視有餘不足寒熱痔

甲乙經曰痔痛攢竹主之

痔會陰主之凡痔與陰相通者死陰中諸病前後相

引痛不得大小便皆主之

痔骨蝕商丘主之

痔算痛飛揚委中及承扶主之

痔纂痛承筋主之

脫肛下利氣街主之

千金方曰飛揚主痔纂傷痛

絕骨主瘻馬刀腋腫

天突章門天池支溝主漏

商丘復溜主痔血泄後重

勞宮主熱痔

承筋承扶委中陽谷主痔痛腋下腫

久冷五痔灸脊中百壯

五痔便血失尿灸回氣百壯穴在脊窮骨上

病寒冷脫肛出灸臍中隨年壯

脫肛歷年不愈灸橫骨百壯又灸龜尾七壯龜尾即

後窮骨是也

瘡瘍全書曰臟毒初起微腫即用濕蚯蚓糞捻成餅

如錢厚放患上艾壯如半粒豆大者燒之微熟即去

再換餅燒之再易如前法以十四壯為期外用冰香

散搽之

虛人脫肛夫冬至前天道嚴寒其氣極沉極降之際

况人身小天地天在上人居中地居下豈不相應乎



治之不能即奏功也陽生後日長一線陽漸長陰漸消矣宜用灸法治之無不效者病人亦要戒氣少勞

爲上策擇晴明和暖吉日在不通風淨暖室中坐臥取頂上旋毛中百會穴以醬一匕搭上艾灸三壯隨

服升元大補湯其肛漸收矣蓋百會爲一身之樞紐大能升提下陷之氣故能奏功若冬至前不可灸灸

之何益次日再灸尾骶骨又灸臍中隨年壯此法余用之甚效諸痔漏亦治之

丹溪心法曰凡痔瘡先取頭垢捏成餅子安痔頭上其上又安大蒜一片以艾灸之

又痔痛以附子末津唾和作餅子如錢大安漏上以艾灸令微熱乾則易以新餅再灸明日又灸直至肉平爲效

醫學綱目曰脫肛取大腸俞百會長強肩井合谷氣衝

針灸痔獨取足太陽經云足太陽之脈所生病者痔瘡視虛熱寒陷下取之蓋後世取承山穴者是也

其二論督脈而不見其取法經云督脈生病癰痔蓋後世取長強穴是也

痔漏下血裏急後重或痒或疼二白在掌後橫紋上四寸手厥陰脈兩穴相並一穴在兩筋中一穴在大

筋外針入三分瀉兩吸

又法取長強一寸大痛方到穴瀉三吸如灸可七壯雖久不愈者亦效

又法取承山二寸半補一呼如灸可七壯

古今醫統曰命門一穴脊在中與臍相對灸七壯治五種痔病

又法長強一穴在尾骶上隨年壯灸之治五痔便血最效

又法治痔疾大如黃瓜貫於腸頭發則僵仆以荆芥湯洗之次以艾灸其上三五壯若覺一道熱氣入腸

中大瀉鮮紅血穢一時許痛後其疾乃愈

又法治痔初起痛痒不止以舊布鞋底烘熱頻熨之痛痒處冷則再烘熨其痛痒立止

脫肛灸長強穴三壯愈臍中隨年壯百會一穴在頂中灸三壯治小兒脫肛

導引

古今醫統曰痔漏乃氣血下墜衝突爲痔既不能坐又不能行立惟導引之法可愈矣其法高枕偃臥息

心調氣氣定其腫自收

又法兩手抱足頭不動足向口受氣衆節氣散來去三七欲得捉左右側身各急挽腰不動去四肢腰上

下氣血凝滯髓內冷血冷筋急痔漏腫痛

又法兩足相蹈向陰端急蹙將兩手捧膝頭兩向急勢捧之二七竟身側兩向取勢二七前後努腰七去

心勞痔病

又法踞坐合兩膝張兩足不息兩通治五痔

又法一足蹈地一足屈膝兩手抱懷鼻下急挽向身極勢左右換易四七去痔五勞三里氣不下

保生祕要曰痔瘡導引法於尾間骶骨間長強穴上掐六十四度擦亦如數兼用吸提呵法自爾安樂運功坐定息均注念存瘡吸提咽濁九口再凝良背法運尾間連瘡百徧復升腰俞連二七數逐日行功不問自去患根

痔漏導引法依患處念推而散之復兩手抱兩膝吹而吸之

又法吹而散之各六徧旋轉其皮膚患處想火燒之次升湧泉水入肺經推而散之

良背法靜坐片時將萬慮掃除疑神定志於本穴之中背之腔子裏平心元慮處初從口念太乙散苦而

漸歸於心歸於背存無守有念茲在茲有復官於無神自虛而靈矣

醫案

瘡瘍全書曰一人患痔每日食海螺蚶半升因鹹以苦茶漱口納及一斗又能清心寡慾痔即消矣痔乃

臟火屬陽海螺蚶乃性寒味鹹屬陰寒能敵火鹹能軟堅茶又苦涼之味殆有理也

儒門事親曰趙君玉常病痔鳳眼草刺蝟皮槐根狸首之類皆用之或以乾薑作末塗指肉炙食之大便

燥結不利且腫後數日因病黃予治令大瀉瀉數次不言痔作麻先生偶記而書之君玉自識戴人之後

痔更不發耳

丹溪心法曰許孺人產後痔作瘡有頭如蒜頭大或下鮮血或紫血大便疼與黑神散又多食肉大飽此

濕熱在大腸所爲以榔杏仁麻仁槐角各七錢枳實皂角仁各五錢蒼朮歸尾生地各三錢大黃炒一錢

分六貼內三樣仁另研煎服而愈

醫學綱目曰一女子脫肛以糯米濃煎汁洗肛將磚燒紅沃酢青布鋪其上令溫和坐布上肛自吸入唐峽州王文顯充西路安撫司判官乘驟入駱谷有



痔疾因此大作其狀如胡瓜貫於腸頭熱如澇灰火至驛僵仆主驛吏云此病予曾患來須灸即瘥用柳枝濃煎湯先洗痔便以艾炷其上連灸三五壯忽覺一道熱氣入腸中因轉瀉鮮血穢物一時出至痛楚瀉後遂失胡瓜所在登驛而馳去

薛氏醫案曰一人不慎酒色患痔瘡腫肛門墜痛下血便燥脈洪大而瀉以當歸榔李仁湯加桃仁四劑少愈更以四物湯加紅花桃仁條芩槐花數劑而愈一人素有痔勞役便脫肛腫痛出水中氣下陷也用

補中益氣湯加茯苓芍藥十餘劑中氣復而愈後復脫作痛誤服大黃丸腹鳴惡食幾危余用前湯加炮薑芍藥漸愈後去薑加熟地五味三十餘劑而愈

一人脾胃素弱或因勞或入房肛門即下腫痛甚用補中益氣湯加麥冬五味兼六味丸而愈後因過飲下墜腫痛誤用降火消毒虛證蜂起余用前湯加炮薑木香一劑再用前湯并加減八味丸兩月而安

一男子患痔大便燥結焮痛作渴脈數按之則實以秦艽蒼朮湯二劑少愈更以四物湯加芩連槐花枳殼四劑而愈

一人患痔成漏每登廁則痛以秦艽防風湯加條芩枳殼四劑而愈以四物加升麻芩連刺防不復作

一男子患痔漏每登廁則肛門下脫作痛良久方收以秦艽防風湯數劑少愈乃去大黃加黃芪川芎芍藥而痛止更以補中益氣湯二十餘劑後再不脫

一婦人患痔腫焮痛甚以四物湯加芩連紅花桃仁牡丹皮四劑少止又數劑而愈
一婦人素患痔漏每因熱則下血數滴以四物湯加

黃連治之即愈後因大勞瘡腫痛經水不止脈洪大按之無力此勞傷血氣火動而然也用八珍湯加芩連蒲黃二劑而止後去蒲黃芩連加地骨皮數劑而安丹溪云婦人崩中者由臟腑傷損衝任二脈血氣俱虛故也二脈為脈經之海血氣之行外循經絡內營臟腑若氣血調適經下依時若勞動過極臟腑俱傷衝任之氣虛不能約制其經血故忽然而下謂之崩中暴下治宜大補氣血之藥調養脾胃微加鎮安心火之藥治其心補陰瀉陽經自正矣

一男子有痔漏每登廁肛脫良久方上診其脈細而微用補中益氣湯三十餘劑遂不再作丹溪云脫肛屬氣熱氣虛血熱血虛

一男子腎患漏口乾發熱喜膿不清稀脈來遲緩以豆豉餅灸及服八珍湯加麥門冬五味子軟柴胡地骨皮三月餘而愈後因不慎房勞復潰膿清脈大請辭不治果歿河間云因病致虛則為輕蓋病勢尚淺元氣未虛也至病初愈而勞復或飲食勞倦或房勞七情六慾陽痿陰弱致致羸損此因虛致損則為重病勢已過元氣已索故也

一男子痔瘡腫痛便血尤甚脈洪且瀉經云因而飽食筋脈橫解腸澀為痔蓋風氣通於肝肝生風風生熱風客則淫氣傷精而成斯疾遂與黃連當歸黃芪生地黃防風枳殼白芷柴胡槐花地榆甘草治之漸愈次以黃連丸而瘥又養生便血數年百藥不應面色痿黃眼花頭眩亦以黃連丸治之而平

曹銓因飲法酒肛門腫痛便閉服實服荆防敗毒散不應予用黃連內疏湯而愈

一男子患痔脈浮鼓午後發熱作痛以八珍湯加黃芪柴胡地骨皮治之稍可彼欲速效用劫藥蝕之痛甚絕食而歿夫瘡之潰斂氣血使然也脈浮鼓日痛此氣血虛也丹溪云瘡口不合用大劑參芪木歸芎補之外以附子餅灸之更以補藥作膏貼之

一男子年踰四十有痔漏大便不實服五苓散愈加泄漏飲食少思予謂非濕毒乃腸胃虛也當以理中湯治之彼不為然仍服五苓散愈甚復請予乃以理中湯及二神丸九月餘而平

李達因痔瘡怯弱以補中益氣湯少加芩連枳殼治之稍愈後因怒加甚時仲冬脈得洪大予謂脈不應時此乃腎水不足火來乘之藥不能治果歿於火旺之月常見患痔者腎脈不足俱難治

劉商有痔肛門脫出此濕熱下注真氣不能升舉診其脈果虛遂以四君子湯加黃芪芍歸蒼朮黃蘗升麻柴胡服之更以五倍子煎湯熏洗彼以為緩乃用砒霜等毒藥蝕之而歿夫劫藥特治其末且能伐真元鮮不害人慎之慎之

徐生因痔氣血愈虛飲食不甘小便不禁夜或遺精此氣虛兼濕熱而非瘡故也以補中益氣湯加山茱萸黃芪五味子兼還少丹治之而愈

一男子患痔漏膿出大便諸藥不應診其脈頗實令用猪腰子一箇切開入黑牽牛末五分線紮以荷葉包煨熟空心細嚼溫鹽酒送下數服頓退更以托裏藥而愈

一男子患痔漏口乾胃脈弱此中氣不足津液短少不能上潤而然以黃芪六一湯七味白朮散治之或



曰諸痛痒瘡皆屬心火遂服苦寒之藥大便不禁而歿夫諸痛痒皆屬心火言其常也始熱終寒則反常矣可泥此而不察乎

一男子腎癰腐潰肌肉不生用藥敷之四沿反硬尋診之脈滿而弱此氣血虛不能榮於患處故敷涼藥反硬乃氣血受寒凝結而非毒也用大補藥而愈

一男子腎癰腫硬作痛尺脈浮緊按之無力以內托羌活湯一劑痛止以金銀花散四劑膿潰而愈

一男子腎癰腫硬痛甚隔蒜灸之更服仙方活命飲二劑痛止腫消以托裏消毒散加黃蘗蒼朮羌活活潑頭膿潰而愈

一男子腎癰作膿而痛以仙方活命飲二劑痛止更以托裏消毒散膿潰而癒

一男子腎癰不作膿飲食少思先用六君子湯加荷歸黃芪飲食漸進更以托裏消毒散膿潰而愈

一男子潰而膿清不斂以豆豉餅灸之更飲十全大補湯兩月餘而痊凡瘡不作膿或不潰或潰而不斂皆氣血之虛也若膿清稀尤其虛甚也

一男子腎癰膿水不止肌肉漸瘦飲食少思胃脈微弦以六君子湯加藿香當歸數劑飲食遂進以十全大補湯及豆豉餅灸之兩月餘而斂

一弱人腎癰膿成不潰以十全大補湯數劑始托起乃針之又二十餘劑而愈夫腎居僻位氣血罕到老弱人患之尤宜補其氣血庶可保全

一男子腎癰腫色不變脈滑數而無力此腎癰也膿將成尚在內予欲治以托裏藥待發出而用針彼欲內消服攻伐藥愈虛復求治仍投前藥托出針之以

大補藥而愈凡瘡毒氣已結不起者但可補其血氣使膿速成而針去不可論內消之法膿成又當辨其生熟淺深而針之若大按之乃痛者膿深也小按之便痛者膿淺也按之不甚痛者未成膿也按之即復起者有膿也按之不復起者無膿也若腫高而突者發於血脈腫下而堅者發於筋骨肉色不相變者發於骨髓也

巡撫陳和峯脾胃不健服消導之劑左腿股及臂患腫此脾氣虛而下注非瘡毒也當用補中益氣倍加白朮彼惑於衆論云白朮能潰膿乃專以散腫消毒為主而腫益甚體益倦余用白朮一味煎飲而消儒者楊啓元左臂患癰敷貼涼藥腫微內股股連翹消毒散左體皆痛余以為足三陰虛損用補中益氣湯以補脾肺用六味丸加五味子以補肝腎股內消而臂間潰又用十全大補湯而瘡口斂

一儒者腎癰腫痠痛甚此邪毒壅滯用活命飲隔蒜灸而消後因飲食勞倦腫痛仍作寒熱頭疼此元氣虛而未復也與補中益氣湯頻用葱熨法兩月而愈

一男子腎癰漫腫而色不變脈滑數而無力膿將成矣余用托裏而欲針彼畏針而欲內消誤用攻伐之劑頓加惡寒發熱自汗等證余用十全大補湯數劑腫起色赤仍外針內補而愈

吳輔之父患腎癰內潰腫脹發熱口乾飲食少思此脾胃虛弱也先用六君子加荷歸參芪數劑而潰又用十全大補湯倍加參芪五十餘劑而愈

余用六君子加歸芪附子一錢二劑腫潰色赤又減附子五分數劑元氣復而瘡愈

一男子腎癰硬痛發熱此膀胱氣虛而濕熱壅滯用內托羌活湯二劑熱痛悉退後用托裏消毒散而潰又用托裏散四十餘劑而斂

平湖袁上舍患痔外敷寒涼內服消毒攻潰於腎膿水清稀脈洪大而數寒熱作渴余辭不治後果獲此足三陰虧損之證失滋化源以致真氣益虛邪氣愈甚矣不死何俟

進士周希輔素有疝痔勞則小腹作痛莖出白津痔亦腫痛若飲食勞倦起居失宜則發寒內熱肢體疲倦服十全大補湯諸證並退彼欲去病根乃用攻病生肌之藥肌體骨立余用益氣湯地黃丸元氣漸復但自弛調攝不能全愈

寓意草曰舊鄉治父母張受先先生入患穿腸痔漏氣血大為所耗有薦以吾鄉黃生善敷割者先生神其術一切內治之藥並取決焉不肖昌雅重先生文章道德之身昔居瀛海時會令門人往候脈息私商善後之策大意謂先生久困漏厄一旦平成精氣內榮自可百年無患然新造之區尚未堅固則有浸淫之虞臟氣久虛腸蓄易滯則有轉注之虞清氣久陷既服甘溫升舉矣然漏下已多陰血暗耗恐毗於陽水穀易混既用養臟厚腸矣然潤劑過多脾氣易溜恐毗於陰且漏孔原逼精孔稍稍溢出勢必旁滲則參精當如參虎厚味最足濡脾味稍不節勢必走泄則生陰無取傷陰蓋人身脾氣每喜燥而惡濕先生漏孔已完敗濁下行者無路可出必轉滲於脾濕固

倍之是宜補脾之陽勿傷脾之陰以復健運之常而收和平之益云云及至妻中應召往診指下輕取鼓動有力重按若覺微細是陽未見不足陰則大傷矣先生每進補陰之藥則夜臥甚寧腸澀亦稀以致瘍醫妄引槐角地榆治腸風下血之法治之亦不覺其悞其實漏病乃精竅之病蓋構精之時氣留則精止氣動則精泄大凡強力入房者氣每衝激而出故精隨之橫決四射不盡繇孔道而注多溢於精管之外久漸成漏管今漏管雖去而肉中之空隙則存填竅補隧非此等藥力所能勝也不肖姑不言其非但於渠方中去槐角地榆等而加鹿角霜一味所謂惟有斑龍頂上珠能補玉堂關下缺者是也况羣陰之藥最能潤下不有以砥之則腸中之水更游聚可虞耶然此特徵露一斑耳瘍醫不解已沮為不可用因思吾鄉一治漏者潰管生肌外更有二神方先以丸藥半斤服之令人陽道驟痿俟管中肉滿管外緻密後以丸藥半斤服之令人陽道復興雖宜於少未必宜於老然用意亦大奇矣不肖纔欲填補竅隧而黃生沮之豈未聞此人此法乎

外科正宗曰一男子患痔六年每遇酒色勞役痔則發腫堅硬疼苦十餘日方得稍可彼欲斷其根以枯痔散上至七日外其痔漸黑外有裂縫至十六日痔枯脫落孔若雞心以生肌散逐日用之內服養血健脾藥而愈

一男子痔患焮腫作痛大便結燥脈數有力以內疏黃連湯二服便行痛止又以四物湯加芩連枳殼天花粉數劑而腫消更以臟連丸一料而不復發

一男子患痔凡遇勞苦發腫作痛以枳殼湯熏洗內服防風秦艽湯數服腫痛頓減令彼常洗前湯每月五六次內與六味地黃丸加黃蘗知母服之不發

一男子好飲多慾內痔虛墜下血以四物湯加芩連升麻葛根數服虛墜乃止又以當歸柳李仁湯二劑痔腫亦消更服臟連丸九月餘便血亦止又月餘兼節酒色不發

一男子患痔十餘年頭已穿潰未及通腸每發疼苦以三品一條鎗插至七日痔變黑色瘡邊漸漸裂縫至十五日脫落以鳳雛膏搽至半月口斂而平

一男子怯弱內痔便血面色痿黃自服涼血止血藥不應診之脾脈虛而無力此中氣不能統血以補中益氣湯十餘服精神頓倍便血亦少又以加味四君子湯兼前湯間服月餘不發大抵此證所致之由不同當究其因治之如元氣有餘形黑氣盛先養而後紫血更兼脈實有力者此屬有餘法當涼血止血藥應自效至若形體瘦弱面色痿黃先鮮血而後黃更兼脈虛無力者此屬不足豈可反用涼藥止之致傷脾胃此證若不溫中健脾升舉中氣其血不得歸原故藥難效傷其根本也

一男子患腎癰四五日始生疼痛至晚作寒六脈浮而帶數以人參敗毒散二劑寒熱頓退疼痛稍止彼值公務相關欲出乃用針點入患頂五六分流去紫血用蟾酥條插入膏蓋以活血散瘀湯二服次日流出紫血隨便可行更服托裏藥五六服而安

一男子患腎癰六七日焮痛發熱口乾便燥以托裏消毒散加花粉大黃二服便通渴止仍用前湯加角

針山甲數服而膿潰又以十全大補湯半月而斂

一男子患腎癰堅硬不潰此先寒涼之過也以十全大補湯加皂針蒼朮丹皮四劑堅硬漸軟又以透膿散二服膿熟針之以前湯倍參芪歸朮月餘而斂

一男子暑月患腎癰自為內毒外用老鴉草搗爛敷之每日續飲涼水十餘碗如此三日瘡毒內陷患土平塌冰冷口噤不言六脈沉細如絲鮮不可治至夜而死

一入冬月患腎癰外用四黃散涼水調傳內服敗毒京藥毒亦內陷煩躁口乾鼻掀氣急患上平塌原頭存一空孔無水無膿予曰瘡毒已陷定不可治復請別醫俱曰無事予曰腎居小腹之後肌肉頑厚毒既到此必須內托為膿潰後最易收斂今已內外寒京毒既內入豈能再出衆醫強投內消解毒定躁除煩之藥終至不應半月而死

欽定古今圖書集成博物彙編藝術典

第二百三十一卷目錄

醫部彙考二百十一

皮門

黃帝素問金匱真言論六節藏象論五脈論

大論至真要大論四時刺逆從論五藏氣論

靈樞經素問五藏篇本神篇本藏篇論勇篇

邪篇九宮八風篇論疾診尺篇刺節真

扁鵲難經皮聚皮膚篇

張機金匱要略不仁甲錯

王叔和脈訣燥濕驚悸

孫思邈千金方虛實

朱肱活人書寒在皮膚熱在骨髓熱在皮膚寒

劉完素六書振痒疥癩枯燥

李杲十書皮總論乾燥燥痒

朱震亨心法病應各經

虞搏醫學正傳振痒

戴思恭證治要訣振痒

樓英醫學綱目皮部屬肺肺經外微痛屬

龔信古今醫鑑振痒皮膚疥癩

張三錫醫學準繩六要肺應皮膚振痒

徐春甫古今醫統痒燥

王肯堂證治準繩不仁

陳士鐸石室秘錄皮內蟲聲開裂

方桂湯白虎加人參湯除旦湯小柴胡加

藥四逆湯通脈四逆湯大柴胡湯桑洗

風散六和湯養血潤肺飲黃芪酒冬膏

黃帝素問金匱真言論六節藏象論五脈論

大論至真要大論四時刺逆從論五藏氣論

靈樞經素問五藏篇本神篇本藏篇論勇篇

邪篇九宮八風篇論疾診尺篇刺節真

扁鵲難經皮聚皮膚篇

張機金匱要略不仁甲錯

王叔和脈訣燥濕驚悸

孫思邈千金方虛實

朱肱活人書寒在皮膚熱在骨髓熱在皮膚寒

劉完素六書振痒疥癩枯燥

李杲十書皮總論乾燥燥痒

朱震亨心法病應各經

虞搏醫學正傳振痒

戴思恭證治要訣振痒

樓英醫學綱目皮部屬肺肺經外微痛屬

龔信古今醫鑑振痒皮膚疥癩

張三錫醫學準繩六要肺應皮膚振痒

徐春甫古今醫統痒燥

王肯堂證治準繩不仁

陳士鐸石室秘錄皮內蟲聲開裂

方桂湯白虎加人參湯除旦湯小柴胡加

藥四逆湯通脈四逆湯大柴胡湯桑洗

風散六和湯養血潤肺飲黃芪酒冬膏

肺者氣之本魄之處也其華在毛其充在皮為陽中

之太陰通於秋氣

肺主氣而藏魄故為氣之本魄之處也肺主皮

毛故華在毛充在皮也臟真居高而屬陰故為陽

肺主氣氣主表故合於皮傷寒論曰寸口脈緩

而遲緩則陽氣長其聲商毛髮長毛附於皮氣長

則毛榮多食苦是火味太過而傷肺則皮槁而毛

落矣

診要經終論

太陰終者腹脹閉不得息善噫善嘔嘔則逆逆則面

赤不逆則上下不通不通則面黑皮毛焦而終矣

足太陰脈入腹屬脾故為腹脹手太陰脈主肺

屬肺而主呼吸故為不得息脹滿則升降難不得

息則氣道滯故為噫為嘔嘔則氣逆於上故為面

赤不逆則否塞於中故為上下不通脾氣敗則無

以制水故黑色見於面肺氣敗則治節不行故皮

毛焦

經脈別論

脈氣流經經氣歸於肺肺朝百脈輸精於皮毛

肺氣者水穀之精氣而行於經脈中也言人胃

之穀氣先淫氣於脈百脈之經氣總歸於大經經

氣歸於肺是以百脈之氣皆朝會於肺也肺合皮

毛故復輪精於皮毛

痺論

黃帝問曰痺之安生岐伯對曰風寒濕三氣雜至合

而為痺也以秋遇此者為皮痺故骨痺不已復感於

邪內含於腎筋痺不已復感於邪內含於肝脈痺不

已復感於邪內含於心肌痺不已復感於邪內含於

脾皮痺不已復感於邪內含於肺所謂痺者各以其

時重感於風寒濕之氣也

痺者閉也邪閉而為痛也言風寒濕三氣錯雜

而至相合而為痺蓋皮肉筋骨內合於五臟五臟之氣外合於四時始病在外之有形復傷在內之五氣外內形氣相合而邪舍於內矣

帝曰痺其時有死者或疼久者或易已者其故何也岐伯曰其入臟者死其留連筋骨間者疼久其留皮膚間者易已

註夫風寒濕氣中其食其臟氣實則邪不動臟若神氣消亡則痺聚在臟而死其留連筋骨間而不內舍於其合者疼久其留皮膚間者隨氣而易散若中其食則內通五臟兼之陰氣不藏則邪直入於臟而為不治之死證矣

帝曰善痺或痛或不痛或不仁或寒或熱或燥或濕其故何也岐伯曰痛者寒氣多也有寒故痛也其不痛不仁者病久入深榮衛之行澆經絡時疎故不通皮膚不營故為不仁

註不仁不知痛癢也寒氣勝者為痛痺故痛者寒氣多也病久入深者久而不去將內舍於其合也邪病久則榮衛之道傷而行澆邪入深則不痺閉於形身而經絡時疎故不痛也榮衛行澆則不能營養於皮膚故為不仁

帝曰夫痺之為病不痛何也岐伯曰痺在於骨則重在於脈則血凝而不流在於筋則屈不伸在於肉則不仁在於皮則寒故具此五者則不痛也

註骨有骨氣脈有脈氣筋有筋氣肌有肌氣皮有皮氣皆五臟之氣而外合於形身如病形而不傷其氣則止見骨痺之身重脈痺之血凝不行筋痺之屈而不伸肉痺之肌肉不仁皮痺之皮毛寒冷

故具此五者之形證而不痛也

皮部論

黃帝問曰余聞皮有分部脈有經紀筋有結絡骨有度量其所主病各異別其分部左右上下陰陽所在病之終始願聞其道岐伯對曰欲知皮部以經脈為紀者諸經皆然陽明之陽名曰害蜚上下同法視其部中有浮絡者皆陽明之絡也其色多青則痛多黑則痺黃赤則熱多白則寒五色皆見則寒熱也絡盛則入客於經陽主外陰主內少陽之陽名曰樞持上下同法視其部中有浮絡者皆少陽之絡也絡盛則入客於經故在陽者主內在陰者主出以滲於內諸經皆然太陽之陽名曰關樞上下同法視其部中有浮絡者皆太陽之絡也絡盛則入客於經少陰之陰名曰樞儒上下同法視其部中有浮絡者皆少陰之絡也絡盛則入客於經其入經也從陽部注於經其出者從陰內注於骨心主之陰名曰害肩上下同法視其部中有浮絡者皆心主之絡也絡盛則入客於經太陰之陰名曰關蟄上下同法視其部中有浮絡者皆太陰之絡也絡盛則入客於經凡十二經絡脈者皮之部也是故百病之始生也必先於皮毛邪中之則腠理開開則入客於絡脈留而不去傳入於經留而不去傳入於腑廩於腸胃邪之始入於皮也忤然起毫毛開腠理其入於絡也則絡脈盛色變其入客於經也則感虛乃陷下其留於筋骨之間寒多則筋攣骨痛熱多則筋弛骨消肉鑠髓破毛直而敗帝曰夫子言皮之十二部其生病皆何如岐伯曰皮者脈之部也邪客於皮則腠理開開則邪入客於絡脈

絡脈滿則注於經脈經脈滿則入舍於臟腑也故皮者有分部不與而生大病也帝曰善

註此章論十二經之絡脈分絡於皮膚之間病之始生必先於皮毛入客於絡脈隨皮部所循之脈而傳入於經入舍於所主之臟腑如不入於絡則留於筋骨之間而為筋攣骨痛也

四時刺逆從論

少陰有餘病皮痺癢疹不足病肺痺滑則病肺風痛瀉則病積洩血

註肺主皮毛毛脈合精於皮膚之間是以少陰之為皮痺肺痺也疝則病在氣也洩血則病在血也秋氣在皮膚秋者天氣始收腠理閉塞皮膚引急

五常政大論

太陽司天寒氣下臨心氣上從而火且明土過潤水豐行寒客至沉陰化濕氣變物水飲內積中滿不食皮痛肉苛筋脈不利甚則附腫身後癱

註太陽司天則太陰濕土在泉故土乃潤稽積蓄痛痺也水飲中滿皮痺肉苛皆水濕之為病也身後癱者癱發於背也

至真要大論

歲少陰在泉熱淫所勝則焰浮川澤陰處反明民病腹中常鳴氣上衝胃喘不能久立寒熱皮膚痛目瞑齒痛顫腫惡寒發熱如瘧少腹中痛腹大熱蟲不藏

註少陰在泉卯酉歲也少陰君火生於水中故焰浮川澤少陰標陰而本火故陰處反明腹中常鳴者火氣奔動也氣上衝胃者火氣炎上也喘不能久立寒熱皮膚痛者火淫肺金也目瞑者熱甚陰

虛畏陽光也齒痛頰腫熱乘陽明也發熱如瘧者少陰標本之氣病也熱在下焦則少腹中痛熱在中焦則腹大也

少陰司天熱淫所勝佛熱至火行其政民病胃中煩熱盛乾右肱滿皮膚痛寒熱欬喘

少陰司天子午歲也蓋少陰之火發於陰中故為佛熱少陰太陽陰中有陽陽中有陰陰陽相從標本互換是以火熱甚而大雨至水寒極而運火炎民病胃中煩熱盛乾右肱滿皮膚痛肺受火熱而津液不生也

少陽司天火淫所勝則溫氣流行金政不平民病頭痛發熱惡寒而瘧熱上皮膚痛色變黃赤傳而為水身面腫腹滿仰息泄注赤白瘡瘍欬唾血煩心胃中熱甚則軌衄病本於肺天府絕死不治

少陽司天黃申歲也火淫所勝故金政不平少陽之火在天為暑故民病頭痛寒熱瘧熱上皮膚色變黃赤火上淫於肺也肺者太陰皆積水也傳為水者逼其金水外溢故為腫滿之水病也仰息肺氣逆而不得偃息也泄注赤白瘡瘍唾血煩心火熱盛也軌衄甚而及於肺此火淫勝金故病本於肺天府肺脈在腋下三寸動脈應手肺氣已絕故死不治

太陽之勝凝凜且至非時水冰羽乃後化痔瘡發寒厥入胃則內生心痛陰中乃瘍隱曲不利互引陰股肌肉拘苛血脈凝泣絡滿色變或為血泄皮膚舌腫腹滿食減

註太陽寒水氣勝故凝凜且至非時水冰者勝氣

在於歲半以前是以羽蟲後化也靈樞經曰足太陽是主筋所生病者為痔瘡者太陽寒熱之邪也厥逆而入於胃者水侮土也胃絡上通於心故心痛也陰中乃瘍是以隱曲不利而互引陰股足太陽主筋故肌肉拘苛也血脈凝泣絡滿色變或為血泄邪入於經也皮膚否腫者太陽之氣主表也腹滿食減者水氣乘脾也

少陰之復燥熱內作煩躁軌衄少腹絞痛火見燔炳隘燥分注時止氣動於左上行於右欬皮膚痛暴瘡心痛鬱冒不知人乃洒淅惡寒振慄譫妄寒已而熱渴而欲飲少氣骨疼隔腸不便外為浮腫噦噫

註軌衄燥熱上乘於肺也少腹絞痛少陰之陰氣發於下也火見燔炳君火之氣發於上也隘燥火燔金也夫陰寒在腹則注泄得火氣則止注少陰標本並發故時注時止也氣動於左者君火之氣發於左腎之水中上行於右者肺腎上下相交腎為本而肺為末也火淫肺金則欬而皮膚痛金主聲故暴瘡也心痛者火氣自傷也鬱冒不知人者寒熱之氣亂於上也洒淅振慄者陰陽相搏也寒已而熱者少陰之陰寒從火化而為熱也是以渴而欲飲少氣骨疼蓋火盛則少氣熱盛則骨疼也噦者小腸之氣不通逆氣上走心而為噦也

疏五過論

始富後貧雖不傷邪皮焦筋屈痿瘓為聾

註始富後貧則傷其志意志者所以御精神收魂魄適寒溫和喜怒者也是故榮衛調志意和則筋骨健強廢理緻密故傷其志意則精神不能內

守外為皮焦筋骨變瘓之病

靈樞經

壽夭剛柔篇

形與氣相任則壽不相任則夭皮與肉相果則壽不相果則夭血氣經絡勝形則壽不勝形則夭

註形謂皮肉筋骨人之形氣天命所生皮肉者天道之元亨也是以緩則壽而急則夭

本神篇

肺喜樂無極則傷魄魄傷則狂狂者意不存人皮華焦毛瘁色夭死於夏

註喜樂心之情也如肺因喜樂無極則傷肺臟之魄魄傷則狂狂者意不存意者心之發蓋喜樂無極則神亦憊散而不存矣肺主皮毛故人皮華焦

決氣篇

上焦開發宣五穀味熏膚充身澤毛若霧露之溉是謂氣穀入氣滿淖澤注於骨骨屬屈伸洩澤補益腦髓皮膚潤澤是謂液

註上焦氣宣發五穀之精微充膚熱肉潤澤皮毛若霧露之溉是謂氣穀入氣滿淖澤注於骨使骨屬屈伸洩澤從髓空而補益腦髓皮膚潤澤是謂液

張論

三焦脹者氣滿於皮膚中輕輕然而不堅

五變篇

黃帝曰人之善病消瘠者何以候之少俞答曰五臟皆柔弱善病消瘠此人皮膚薄而目堅固以深者長衝直揚其心剛剛則多怒怒則氣上逆胃中蓄積

血氣逆留腕皮充肌血脈不行轉而為熱熱則消肌膚故為消痺

註五臟主藏精者也五臟皆柔弱則津液竭而善病消痺夫形體者五臟之外合也薄皮膚而肌肉弱則五臟皆柔弱矣夫柔弱者必有剛強謂形質弱而性氣剛也故此人薄皮膚而目堅固以深者其氣有長衝直揚之勢其心剛剛則多怒怒則氣上逆而血積於胃中氣逆留則充塞於肌肉血蓄積則脈道不行血氣留積轉而為熱熱則消肌膚故為消痺此言其人暴剛而肌肉弱者也

本臟篇

衛氣者所以溫分肉充皮膚肥腠理司開闔者也衛氣和則分肉解利皮膚調柔腠理緻密矣肺應皮皮厚者大腸厚皮薄者大腸薄皮緩腹大者大腸大而長皮急者大腸急而短皮滑者大腸直皮肉不相離者大腸結

心應脈皮厚者脈厚脈厚者小腸厚皮薄者脈薄脈薄者小腸薄皮緩者脈緩脈緩者小腸大而長皮薄而脈沖小者小腸小而短諸陽經脈皆多紆屈者小腸結

腎應骨密理厚皮者三焦勝肱厚粗理薄皮者三焦勝肱薄疎腠理者三焦勝肱緩皮急而無毫毛者三焦勝肱急毫毛美而粗者三焦勝肱直稀毫毛者三焦勝肱結也

論勇篇

黃帝曰四時之風病人如何少俞曰黃色薄皮弱肉者不勝春之虛風白色薄皮弱肉者不勝夏之虛風

青色薄皮弱肉不勝秋之虛風赤色薄皮弱肉不勝冬之虛風也黃帝曰黑色不病乎少俞曰黑色而皮厚肉堅固不傷於四時之風其皮薄而肉不堅色不一者長夏至而有虛風者病矣其皮厚而肌肉堅者長夏至而有虛風不病矣其皮厚而肌肉堅者必重感於寒外內皆然乃病黃帝曰善

註皮膚肌腠乃五臟元真之所通會是以薄皮弱肉則臟真之氣虛虛氣虛則不能勝四時之虛風矣虛風者虛邪不正之邪風也黑者水之色論腎氣之厚薄也不傷於四時之風者謂土旺於四季也不病長夏之風者謂土主於長夏也設有皮厚肉堅而傷於四時之風者必重感於寒也夫在地為水在天為寒腎為水臟上應天之寒氣是以色黑而皮厚肉堅之為病者必重感於寒外內皆然乃病謂外受天之寒邪內又傷腎臟之水氣

論痛篇

人之骨強筋弱肉緩皮膚厚者耐痛其於鍼石之痛火灼亦然加以黑色而美骨者耐火灼堅肉薄皮者不耐鍼石之痛於火灼亦然

註少陰秉先天之精氣陽明化水穀之精微故筋骨之強弱肌肉之堅脆皮膚之厚薄腠理之疎密皆秉氣於少陰陽明者也黑色而美骨者少陰之血氣盛也肉緩皮膚厚者陽明之血氣盛也莫子晉曰腎為水臟故少陰之氣盛者能耐火灼陽明秉秋金之氣故氣弱則不能耐鍼石火灼矣

衛氣失常篇

黃帝曰人有肥瘦大小如何伯高曰膏者多氣而皮

縱緩故能縱腹垂腴肉者身體容大脂者其身收小
註衛氣盛則腠理肥是以膏者多氣而皮縱緩故能縱腹垂腴腴者臍下之少腹也肉者身體容大此衛氣盛而滿於分肉也脂者其身收小此衛氣深沉不能充於分肉以致脂膜相連而肌肉緊密故其身收小也

論疾診尺篇

尺膚滑其澤澤者風也尺肉弱者解你安臥脫肉者寒熱不治尺膚滑而澤脂者風也尺膚滑者風癢也尺膚粗如枯魚之鱗者水洩飲也尺膚熱甚脈盛燥者病溫也其脈盛而滑者病且出也尺膚寒其脈小者泄少氣尺膚炬然先熱後寒者寒熱也尺膚先寒久大之而熱者亦寒熱也

註此診尺而知外內之病也夫津液渾渾澤於皮膚故尺膚滑其澤澤者知風在於皮膚而鼓動其津液也脂者肌肉文理間之脂膜尺膚滑而澤脂者風在於肌肉間也夫在外者皮膚為陽陽骨為陰病在陽者名曰風病在陰者名曰痹如尺膚滑者此風痹於筋骨間也此以尺膚之渾渾滑澤而知風邪之淺深也肌肉者五臟元真之所通會脾土之所主也故尺肉弱者主脾土虛而解你安臥解你者懈惰也脫肉者形損也寒熱者陰陽血氣虛也陽虛則惡寒陰虛則發熱陰陽形氣皆以虛脫故為不治如枯魚之鱗者皮膚起粟也寒者水之氣此水邪洩飲於內故寒色見於外也溫病者寒毒藏於肌膚至春發為溫病故尺膚熱甚而脈盛燥者知其為病溫也其脈盛而滑者知病且出

